

四庫全書

集部

欽定四庫全書

集部

東里續集卷六十一

詳校官檢討

臣羅國俊

中書

臣

劉源溥覆勘

總校官進士

臣楊懋珩

校對官中書

臣王鍾泰

謄錄監生

臣張士琛

欽定四庫全書

東里續集卷六十一

明 楊士奇 撰

詩

七言絕句

題楊學士畫

四首

翠岫青林二月春風光潏灩絳桃新何人獨解無塵事

茅舍山中訪隱淪

無人六月不愁暑二子水亭蕭爽同林影溪光坐終日

何須醉引碧荷簫

雨後參差錦樹明
碧雲樓閣麗秋晴
扁舟閒戀溪亭淨
已勝山陰雪夜行

十日河流凍不潮
連山一帶玉岩堯
不嫌寒氣侵人骨
獨解騎驢學灞橋

玉峽山人

二首之一

歸住江南煙水村
詩書稼穡付兒孫
老夫閒日渾無事
但祝南山荅主恩

溧陽史侯祠廟圖

有序二首

溧陽史侯蓋在東漢建武之際今千四百年而祠
廟歸然不廢祠傍史氏甚盛皆侯之後原亨列官
于朝每懷先祠及其族處之樂而未遂往也中書
舍人陳宗淵寫此圖貽之原亨陞建寧知府將行
求題爲賦

水色山光明棟宇溧陽獨有故侯祠猶聞邑里懷遺愛
况是雲仍切孝思

千歲祠堂脩薦謁四時宗族會杯盤建寧太守家園樂

寫向丹山碧水看

送王文英典籍致仕歸金華

四首

金馬玉堂供奉久石渠天祿校讐多從來報主丹心切
無那衰遲白髮何

天恩初下許辭官拜別金鑾曉出關應到牧羊山下望
青雲何似白雲閒

都門垂柳綠毵毵風捲飛花送別驂歸去光榮照閭里
姓名猶載舊官銜

翰苑同官二十春况兼同舍更情親分攜莫學浮雲散
時有音書慰故人

題梅與江陰周生 二首

一樹葳蕤藹素雲水邊林畔不勝春周家舊愛蓮花好
添著梅花清十分

瀟洒清姿玉雪寒莫教橫笛近闌干金樽檀板難相稱
正好江陰道院看

題山水贈賓畿弟南歸 二首

昔年武姥山前住翠巖丹崖映華扉回首雲山渺天末
獨題幽思送將歸

盤古青山似畫圖新栽松栢近何如幾時同向雲林住
相伴春秋灑飯盃

題梅送吳埜知縣 二首

折贈羅浮枝上雪鮮葩芳蓋淨無瑕清於彭澤門前柳
不比河陽縣裏花

西昌縣令辭官後歸住延陵季子州好覓孤山林處士

看花攜取鶴同遊

寄兩王詹事周庶子李錢兩學士黎諭德無致

謝意二首

老託藜筇與竹輿關山千里從龍車五年重過頭成雪
料得山靈也笑渠

扈從巡邊愧不才玉堂臨別屢浮杯行裝更比人人重
爲得明珠六斛來

過白河二首

奉天靖難封功日親見文皇語白河欲渡未能水遽合
萬人懼怖比滹沱

六御後來重駐輦
裴徊追憫陣亡魂
至今河上千年石
文字輝煌紀聖恩

元夕觀燈詩

有序

宣德四年正月朔旦有勅以歲事維新上元節屆
賜文武羣臣假二十日軍民如故事張燈皆飲酒
爲樂五城兵馬弛夜禁元夕既屆召羣臣悉赴御

苑觀燈是夕天氣朗清輕颺不作燈之精麗倍盛
常歲聖情悅豫宴賚有加羣臣咸謂今邊場清寧
民物康阜海宇無事躋於太平皇上嘉樂令辰俯
同臣庶恩德廣厚千載希逢忻感之深形諸頌祝
臣叨職侍從恭賦近體詩十章用著皇上與人同
樂之盛謹繕寫上進伏惟聖覽

春到人間夜不寒銀燈金燭映華闌太平處處清光好
第一蓬萊頂上看

九衢勅放金吾禁，夾道連延寶炬紅。
仰聽仙韶天上奏，君王正在廣寒宮。

鸞應瓊笙鳳應歌，光涵太液貫銀河。
吾皇歲歲昇平樂，今歲昇平樂更多。

冰泮龍池春似海，玉鳧金鴈繞紅蓮。
人生何幸雍熙世，共樂光明不夜天。

彩霞搖漾寶書濃，八極飛僊總會同。
鼇載蓬壺來海上，天移星斗下雲中。

佛國摩尼三萬斛隨春先到鳳凰城
紅樓紫殿光輝滿
還照山河大地明

花擁鰲峯錦簇棚蟾光須讓九華燈
君王宴坐芙蓉殿
萬歲懽聲湧頌聲

百萬紅蕖一夜開輝煌元圃徹蓬萊
豈如聖主光明德
洞達乾坤照九垓

千歲仙桃進御筵華缸春藹御樓前
聖皇一念同民樂
九域懽謠徹九天

大明一統御乾坤雨露生成總帝恩宣德年年調玉燭
華夷長戴聖皇尊

題枯木竹石寄贈司訓陳仲仁 二首

文範遠孫同里閉都門分手又經年九峯三泖多才俊
想見洋洋藹誦絃

南望三吳有所思羨渠淞上擁臯比故鄉一片山林趣
寫寄高齋慰別離

五月八日史館困睡夢侍獻陵顧問虜事覺而

感賦 二首

至德仁心在萬方一思往事一情傷
自從龍駕歸僊後
雲淨天高望渺茫

題竹送邢侍講歸無爲 二首

永樂年中擢殿元臚傳第一拜金鑾
五雲東畔蓬萊閣
浩蕩身霑四聖恩

一枝蒼玉贈卿行不盡同官繾綣情
知有鄉人候歸旆
夜來南斗避文星

題梅贈劉伯埴南行 二首

都閩邊南控百蠻只今椎髻學衣冠
春風綠幕文書簡
雪蓋冰花正好看

城瞰昆明池水濱碧雞山色日相親
也知不忘鄉關意
時對梅花想故人

題江西副使梅 二首

江西憲副河南後白簡飛霜秉至公
一段梅花貞潔操
肯隨桃李媚東風

花比瓊瑤根比石廣平更是鍊心肝
西山南浦無塵地
最好栢臺相對看

送何布政致仕東歸

二首

三載西江惠澤深
勤民深體九重心
遽看請老投簪去
畫省空餘棠樹陰

心事從來不愧天
操持金石信同堅
山光水色青雲外
歸傍東吳作散仙

題孫僉事雲山圖

二首

九疊匡廬霄漢表白雲深護翠巒嶁嶁繡衣使者經行處
寫向霜臺栢署看

山光雲彩淨無塵往往衡茅著隱淪萬一隆中有王佐
時停四牡一咨詢

題梅送校官赴嶺南

二首

一命微官萬里程講筵清對魯諸生春風到日人應到
贏得梅花滿路迎

南度梅關第一州之官偏稱少時遊過家喜拜雙親健

莫遣王程久滯留

寄余正安

有序二首

久不奉書往還中具悉閒居履况之勝深慰懷思
僕今年七十聰明精力回視別時十不逮一又將
扈從巡邊驅馳未已也遐想正安之樂如隔弱水
而望蓬閭聊因魏侍郎行書小詩二首代問訊云
不歸無補乞歸難白髮蕭疎不耐寒又辦肩輿扶老病
將隨翠輦渡桑乾

銀河飛瀉石梁清日照屏風九疊明誰似匡南余侍講
仰高臺上看雲生

黎諭德以梅花索題贈乃姪歸

二首

栢臺御史當塗守清貯胸中萬斛春昨日揮毫寫林雪
玉堂留贈歲寒人

竹林二阮共襟期晏歲京華愴別離歸到南州倚瓊樹
定因驛使寄相思

題梅寄襄城李公

第一梅花擅早春
冰爲肌骨雪爲神
江南何處看尤好
錦帳牙旗伴玉人

題劍送別

屢勤王事效驅馳
歷遍遼東與蜀西
茲行解贈龍泉劍
會看功名華岳齊

題竹送胡軫敬同

二十年中屢別離
冰霜不改歲寒姿
于今浙水東西畔
瀟洒清風見一枝

題畫寄王行敏 二首

王氏南園嘉菊盛年來分植過蘭塘塘上蕭閒六十叟
坐對秋風晚節香

蘭塘秋清黃菊開蘭塘隱者日銜杯酒酣若憶京華客
定寄蘭塘香秫來

樂善老友辭官南歸題梅奉贈 二首

解印南歸江上家文明門外發輕車到時漸及新年節
閒玩園林雪後花

離鄉三十四回春遙憶梅花歲歲新君到鄉園若相憶
折花還寄北京人

過三河縣 二首

滿縣柴扉半不開紛紛車馬動浮埃連延粉壁題官戶

盡屬風雲感會來

城中皆奉
天靖難官

城中廬舍半編茅郭外園畦盡種匏白髮當門坐沽酒
紅裙作陣出提筲

九日度喜峯口次楊太常韻 二首

道中甚險蓋平生
涉歷未嘗有此

馬首連朝東復東穿雲躡石與君同須知第一人間險
未數魚鳧蜀道中

飛礮懸崖百折東躋攀無處不相同他年九日莫觴畔
能忘今晨此路中

太平聖德詩有序

宣德八年正月上元之夕勅張燈於御苑製作精
麗鋪張宏大輝煥繁盛殆非言語所能形容太平

之盛致也上先侍聖母皇太后往觀中宮皇太子
咸侍奉觴上壽極天倫之樂越一日勅羣臣往觀
賜宴苑中又一日命文武大臣以四夷朝貢之使
往觀仍賜宴苑中自是悉賜京城內外及郊野之
民咸往觀焉臣民觀者靡不目眩心駭應接不遑
欣喜之至皆以爲千萬世盛事何幸遭遇而親睹
也歡騰嵩呼聲振連夕臣某伏自思惟太平者本
於皇上之聖德幸睹盛樂敢忘所本敬賦太平聖

德詩十章各有序引以著事實謹繕寫上進伏惟
電覽云

正月十三日大祀天地先日車駕夙興徑詣南
郊躬歷神厨徧閱祭品申飭太常務精誠意是
夕有司請如故事放煙火上曰朕方嚴對越豈
暇嬉事勅免之已而陰雲微布瑞雪紛集行事
之際天氣融和月星皎潔雲飈淨斂肅如神臨
此上天昭奮聖敬也爲敬天之詩第一

泰壇吉日奉明煙肅肅宸衷秉至純天遣瑤華昭景貺
旋開雲翳粲星文

皇上奉聖母皇太后極天下之養愛敬之至深
得懽心此聖人治道之本也爲聖孝之詩第二
九重孝德超前古日日承懽在寶慈聖母聖皇天所祐
太平至樂萬年期

比歲屢命廷臣舉賢薦能選任方面守令以安
黎庶又命法司矜恤刑獄務從寬典此生民所

由安也爲安民之詩第三

元愷登庸比舜功恤民愛物禹湯同九州四海涵恩澤
都在陽和化育中

連歲勅令有司蠲除逋負振恤荒歉此帝王之
仁政也爲敷仁之詩第四

蠲逋賑乏自皇仁紫鳳銜書歲歲新雨露洋洋被遐邇
乾坤萬物摠皆春

今歲元正天下方岳及郡縣之臣皆述職來朝

廷臣劾奏其中有怠職隳事者請論如法德音誕
敷悉見釋免懼呼萬歲聲振門庭為肆宥之詩第五
萬國來朝會縉紳除愆宥過賜更新懽聲好似春雷震
一片嵩呼徹紫宸

先歲之冬瑞雪屢降履端以始訖于上旬天宇
澄明霽景融麗此大有之祥聖德所召也為兆
豐年之詩第六

三雪爲祥表臘前融融嘉氣集新年太平有兆人人說

聖德中和格上天

皇上以年穀屢豐四境寧謐每於歲首勅羣臣
百姓自正旦至元夕皆飲酒爲樂市中如故事
張燈五城弛夜禁仍賜戒勅各循禮度此與衆
同樂之大恩也爲推恩之詩第七

元旦年年頒寶勅樂同文武及黔黎金吾五夜皆無禁
飲酒爲懽慎禮儀

太平之世生民安業皆皇仁所致是以元夕之

樂萬姓悉感天恩而祝願萬壽也為萬壽之詩第八
連城燈火粲繁星簫鼓聲兼祝頌聲上祝君王萬年壽
年年寰宇樂昇平

御苑今歲燈盛前古之所未有光照上下通達
四表雲霞為之增彩月星為之歛輝然論聖君
之明德無遠弗照無幽弗燭又至盛極大無以
加也為明德之詩第九

翠華高駐廣寒宮萬戶千門寶炬紅瞻仰君王大明德

還如麗日正天中

皇上仁聖之心惟在與民同樂故載於麗書先
後一致今歲燈夕預沐恩榮者自公侯卿大夫
下至京城內外介冑之士市廛之夫近而郊垌
猷畝之氓遠而冰天炎徼之使皆得仰瞻光華
心存銘戴爲與衆同樂之詩第十

西苑華釭千萬斛與民同樂載綸言羣臣百姓兼遐裔
瞻仰懽呼戴聖恩

宣德庚戌十月廿五日扈從宣府回作

扈從歸程聞好語山妻攜得小孫來到家
已是風霜老猶有黃花待我回

廖子謨縣尹像贊

秋水襟懷雲錦思少年先見宰官身
壽星正照長沙縣好作陽春為福民

夜雨

四畔喧呼寢不寧蕭蕭風雨夜三更
體寒衣溫皆同趣

氣嘆聲嗟共一情

道中戲效竹枝

勅下行營嚴號令官軍不敢犯秋毫民間尚未知恩旨

關閉柴門箇箇牢

出關追憶是庵有序二首

光如初出居庸以詩寄余云短衣跨馬度關山馬
首如林劍掣攢却憶玉堂楊諭德肩輿朝退出長
安行營少憩記憶此詩感而有作

公度關山寄我詩當時羨我免驅馳
後來兩度關山外屬我驅馳公不知

道義交情金石堅公歸先作月臺仙
平生知我如公少

一誦遺詩一惘然

公嘗謂余曰吾輩死後皆作月臺仙

早過土木

四更催起上肩輿還就民家倒一壺
半醉半醒天欲曙行人霜染白髭鬚

鷄鳴山

二首

崩裂于今未百年下臨流水尚迴環行人又動思鄉意
為似江西減飯山

山壓禪宮泯無迹空餘遺碣在荒榛梵王不自能防患
何用微言導世人

泥河書逆旅主人壁

扈從龍輿兩度來天清宣府淨浮埃鳳陽李福能迎客
下馬重過泛酒杯

思金少保

前四年余與金少保同飲於泥河李氏今復飲李氏思金愴然

玉署青坊雨露邊
同鄉同道更推賢
今來獨過同行處
淚洒清觴憶往年

早發宣府

跨馬乘輿朝復朝也
拚酣醉也拚勞攜來綠酒
看看減
行過青山步步高

附家書示秣

日日承恩侍翠華
老人何事未忘家
一緘寄與巢兒說
勤習詩書莫惱爺

至蓐麻林

二首近訛爲洗馬林

浩蕩山川氣象開
氛清多倚將臣才
平生不解談孫武
也到蓐麻塞上來

渺渺良疇歲歲豐
清山清水澹兼濃
世人只說邊州苦
不識邊州樂趣同

還至岔道

二首

去家不似來家速
半月行邊五日還
一夜營中喜無寐
鑾輿明旦入關山

重九將行酌酒杯庭中嘉菊半纔開于今未及風霜勁
定有黃花待客回

送姪子弼赴吳江訓導

春雨瓊林秀一枝南行相贈寄相思歲寒但勵冰霜節
白日青天看羽儀

自題楊園清趣示三子

霜雪雲霄空老大春風玉立翠三竿分枝散葉清如許
誰合他年引鳳鸞

題竹送尤溪蕭知縣 二首

簞簞新長碧 毳毳四月都門雨
正酣寫贈尤溪蕭茂宰

清風一路向江南

一枝如玉翠亭亭 聊寓同鄉贈別情
莫向春風愛桃李

水霜要見歲寒盟

題貞壽堂

二首 亡弟復環妻陳守節而名渙之母也

吾弟身亡三十載 弊廬荒草晝深沉
傳家賴有詩書澤

寡婦孤兒冰雪心

老母康寧兒壯大一堂慈孝有誰如
吾家前代八登仕
喜有雲仍知讀書

題竹與渙姪

北來南去路漫漫持贈淇園玉一竿
相看莫比閨花草
要閱冰霜到歲寒

題徐義副使景齊卷二首

綉薦爲衣鐵作冠森沉栢府凜霜寒
駢駢四牡遵周道
會得聲華久遠看

松檜姿容冰雪懷肯教當路聚狼豺
古人須似趙清獻
莫遣高齋過景齋

題張子素梅二首

繞園盡種廬山杏傍舍新移淇澳枝
須著西湖湖上樹
水花看發歲寒姿

方傳家世千金秘功熟神仙九轉丹
一室太和春意滿
梅花香裏不知寒

題龍泉陳知縣竹二首

遂溪縣裏春瀟灑密葉繁枝滿綠陰白日天風動清韻
如聞單父奏絃琴

簣簞百尺翠亭亭鳳翥鸞騫拂漢清應共龍泉陳令尹
冰霜同結歲寒盟

題張子素竹

冠帶朝回夏日長石泉仙井橘浮香井傍雙玉凌空翠
結實須教引鳳凰

題張子素竹石圖

練就長生萬壽丹
金函拜捧獻金鑿
歸來庭掩娟娟玉
靜倚珊瑚石畔看

題蔣生墨竹兼寄聲吾望隱居二首

故家三徑盛風流
六月林陰夏似秋
但有清香合金石
何須佳客引羊求

濃比密雲清比玉
連枝接葉翠重重
嚴莊莊上堪深隱
最憶君家阮嗣宗

送康宜清左遷石阡推官二首

三月都門惜別離
春風相送夜郎西
古來賢達多南謫
徃徃題詩在五溪

從來清操如冰雪
一旦南遷衆共嗟
謝却壺觴飽食飯
平安常遣報京華

題竹贈孫公器醫士 二首

世在閩閩城下住
縣壺都市歲年深
傳宗况是孫思邈
家有神方直萬金

舊詫邯鄲帶下醫
渠今竒術重京師
董家紅杏蘓家橘

未比孫家綠玉枝

題竹送康叔圭郎中之南京刑部二首

文溪風物擅清幽，憶過君家溪上頭。
當日相懽盡童穉，共循修竹濯清流。

十年簪紱住京師，朝退看書不下帷。
今日南行何以贈，一枝如玉歲寒期。

題李生梅花

劍沙此去坐橫經，雪色梅花繞檻清。
講罷更應明正學。

宗家時訪李延平

題蕭士高梅花

贛榆地僻瀕東海九載行淹博士居坐對梅花無俗慮
從知讀盡五車書

魯穆都御史輓詩 二首

繡衣白簡鍊爲冠所至冰霜六月寒猶憶往年閩憲府
枳林清絕一琅玕

憲臺歸佐侍宸旒勁操稜稜厲九秋一旦驚心墮瓊玉

金上八ノ二
卷六十一
空餘寒栢晚颼颼

題竹寄瑞安鍾尹

都門判袂已經春
海邑紛傳惠化新
一幅平安鄉里意
舊來卓魯亦何人

題竹贈姪孫縉南歸

老成近歲凋零盡
狐豕紛紛撼里閭
萬里南歸勉爲善
莫教瓦礫混瓊琚

送楊士憲之雲南僉事

萬里滇南候繡衣
炎州十月凜霜飛
豐城古劍神光動
一道澄清屬有威

題竹贈徐紹祥之雲南僉事

貌得湘皋脩竹枝
贈君萬里赴滇池
霜臺白簡澄清暇
時對琅玕念別離

題竹贈陳汝衡之雲南僉事

栢臺御史承天寵
楚水黔山萬里行
無限離情何以贈
一枝瀟洒鳳毛清

送李德固縣丞引疾還鄉就用問訊巽溪宗長

二首 十月既望

三年佐邑有清名來往人傳不負丞寄語鄉閭莫輕看
官卑終不忝西平

宗老年高八十餘溪山清趣樂閒居別來思憶心當切
爲謝哀殘久曠書

題竹贈蹇布政復任歸湖廣

二首

旬宣六載居南紀喜有清名達紫宸聖主宵衣念民瘼

益惇忠厚佐皇仁

挺特平生冰蘖操自從憲府陟藩翰臨岐更贈琅玕玉
相對清風到歲寒

題少師建安楊先生行樂圖

五首

聖明圖治任忠良正倚純誠柱廟堂畫史但知塵外意
青山爲寫午橋莊

馬蹄踏遍龍沙路載筆頻年從屬車且緩馳情向蕭散
禁中頗牧有誰如

手扶金鼎事調元
玉署賢勞四十年
待致雍熙却歸去
丹山真作地行仙

水色山光絕世塵
長松千尺繞龍鱗
何妨添我青藜杖
俱是蓬萊頂上人

玉堂金馬同三紀
晏歲梅花雪共妍
廬阜武夷歸去日
東西來往挾飛仙

題彭甥士淳梅花 三首

北風獵獵捲飛沙
之子南轅道路賒
正直冰霜歲華暮

闔閭城下看梅花

南溪先生秉高潔曾乘別駕闔閭城想像梅花丈人行
須知玉潤映冰清

講堂春永坐橫經繞席梅花相對清想見長洲蕭博士
往來吟詠共高情

題梅送鍾沔有序

吾邑鍾沔尚清爲瑞安縣其謹行如玉愛民如子
好其所好而惡其所惡民愛敬之如父母今年述

職京師其歸也瑞安之君子仕於朝者孫從吉黃
養正相與贈之梅花圖梅從吉所作也而求余題
夫梅植物之至清者也而得春最早植物莫之先
也春於德爲仁豈非清以况其操仁以喻其政匪
直以爲玩具耳輒題三絕句其端云

武山秀拔五千仞下有喬木蟠深根故家文采重清白
鐵榦瓊葩今尚繁

墨綬銅章向求嘉人如素壁淨無暇琴堂畫求玩香雪

絕勝河陽縣裡花

名縣幽偏說瑞安縣公嘉政海同寬牡丹芍藥無清趣
只看梅花到歲寒

題凌士昌所藏張子厚山水 二首

蒼崖萬仞懸飛練玉笥匡廬筆底開孤負平生謝公屐
紅塵白首未歸來

雲山深處草亭幽磐石垂蘿古木稠世外不知竟舜理
超然放意似莊周

送凌士昌歸省 二首

錦樹成行白鴈飛，暫辭天闕赴慈闈。
金陵到日年光晚，別有梅花豔舞衣。

溫似陽和清似玉，蓬來東閣久相親。
北堂歸省真堪樂，憶得重來是暮春。

賴編脩讀書莊詩 有引四首

翰林編脩賴世隆，舊有讀書莊在清流縣南。今以例覓歸求，余詩世隆直義而有清雅之趣，爲賦四

時各一首

清流城外讀書莊舊隱詩書歲月長
玉署歸來春正永
松門溪水落花香

瀟洒幽莊縣郭南
屏山近屋翠於藍
閒開書卷消長夏
好似龍眠白石庵

圃有嘉蔬沼有魚
庭闌甘旨奉安居
桂花露重香浮屋
秋爽滿林聞讀書

天上蓬山暫是歸
書莊重理舊茅茨
錦衣光映梅花雪

具慶筵中奉壽卮

送蔣廷暉致事歸臨安 五首

御前承勅立揮毫近侍蒙恩已四朝常有丹心懷報主
不堪霜鬢久蕭蕭

甲申詔命舉能書第一能書衆未如霜木晨星幾人在
又承恩旨遂閒居

兩京三十餘年住家在錢塘舊業殘想見西湖千樹雪
歲寒還似昔時看

鍾繇筆法傳義獻此是臨池最上源
玉堂無事曾同論
別後何人更共言

洪熙詔下體羣臣七十歸休舊典伸
眼底同年人去盡
自憐猶是未歸人

送楊允寬賢良省覲後南還

十首

家住龍津好山水揚整流澤百餘年
田園不待論生計
孫子森森秀更賢

白鶴山前松栢地春秋拜跪奠清杯
何堪父子衷情切

萬里天涯幾度來

嚴親一片丹心苦上爲邦家下庶民白髮滿頭躬匪懈
遠來深慰暮年情

春趨門下侍親闈秋別親闈出帝幾已別欲行仍繾綣
爲承親命敢遲違

河上秋風九月高臨河酌酒發歸舫縣知一路思親意
回首京華夢寐勞

曾看髻歲勤書卷黑髮于今已抱孫莫訝衰翁七十二

且同論舊倒離尊

同宗同道同官署金石交情三紀周建安有子真龍種
慚愧吾家犬彘流

娟娟玉樹照人明儀表雍容意度新珍重茂年勤德業
承芳終合到公卿

良玉由來不自沽但脩天爵待時須君家忠厚多餘慶
請視流傳萬木圖

故鄉南去路迢遙紅樹凌霜葉半凋桑梓人人望歸客

沿流休駐木蘭橈

示訓昇姪

學人有道戒驕盈謙益由來著聖經看取千流并萬派
盡沿東下作滄溟

題竹送民則弟南歸

五首

用舍行藏皆有命山林朝市豈關心故鄉歸去謝塵累
吟坐武公淇澳林

叨祿詞垣四十年白頭無補日憂悵羨渠拂袂還山去

瀟洒雲林一散僊

沃壤自耕三畝秫水邊林下澹無榮高車駟馬多顛覆
得似幽人隱趣清

深溪文獻三百載水竹園田清逸居歸及宗家敦六行
還勤簡冊樂三餘

匡山先生鄉達尊臨川道學有淵源脩齊堂上遺書在
莫負青春細討論

題梅送民則弟南歸

萬里南歸莫嘆嗟東風持贈玉梅花百年喬木詩書澤
珍重桂林同守家

題竹送張振文

新捧除書上貳車鬱林迢遞望蒼梧到時知及春三月
聞徹竹枝聞鷓鴣

題梅送輝姪赴宣城訓導有序

族叔黃陂府君敏學清操既冠取科第受民社之
寄滿三載而去至今黃陂之人頌遺政不已亡弟

孟頫端重秀穎文學勇進吾宗千里駒也而皆年
不及三十蓋君子所共悼惜之者夫有祖若父如
此爲其後者可不務善繼哉輝今分教宣城偶得

畫梅書二十八字其端贈之

臘前定到宣城邑齋舍梅花吐正妍看取歲寒冰玉色
莫忘清白有家傳

送士弘郎中歸省 二首

金鑾殿下拜天恩二月辭天出禁垣歸到比當春正暖

東風慈竹子孫繁

夏官郎署二十載玉立亭亭故可人
萬里江南看歸省
清風不改舊時貧

題四皓

初下商巖入漢廷脩眉疎髻雪霜明
從容一語安邦國
信是君王任老成

邑蕭生爲余寫小像因求朱中書添竹數竿以
示不忘東臯之意

春雨東皋竹萬竿主人白髮未休官常將一片冰霜意
期爾青青共歲寒

題和姪竹

清溪溪上似淇園散葉分枝綠正蕃又看移根度江去
石塘春雨長兒孫

題和姪梅

故家畫錦坊中住連屋詩書絕點埃好傍溪山結精舍
不看桃杏只看梅

題弼姪鶴

午夜月涼清露下
舞餘嘹唳九皋音
蕭閒不是軒墀物
海闊天高萬里心

題弼姪竹 二首

清溪溪上竹如簣
舊隱林中趣味長
堪咲幽閒大小阮
也勞塵事逐山王

單父堂前玉兩竿
政閒每日報平安
可人千尺冰霜操
要省亭亭到歲寒

題弼姪山水

平生端綬侍金閨，萬里雲山憶故栖。
正是江南三月暮，楓林茅舍子規啼。

題弼姪梅

輕薄紛紛桃李過，梅花獨擅歲寒清。
爲語子孫堅雅操，莫隳清白舊家聲。

題畫送韓御史暘歸省 二首

秦望山清近若耶，紛紛雲樹映溪沙。
數椽茅屋無塵雜。

知是安陽御史家

十載懷歸歸未得越中山水望中迷
封章早晚天恩下
書錦乘駟入會稽

題邢叅議竹

六年嵩洛佐藩翰勁節清風九夏寒
閱歷冰霜長不改
青霄終到五雲端

題竹寄一夔侍講

僕與一夔侍講別又四年歲寒松栢之操無
日不奉思也今延年歸不及修書輒題絕句

四首於朱編脩寫竹
之上以代問訊云

翰苑鑾坡日月邊
五更聯轡共朝天
獨封青簡收金匱
去傍雲林作散仙

江南三瑞同升日
邂逅京華意最親
閱歷風霜三十載
一枝畱擅故林春

風流文采玉堂人
冰雪襟懷夙絕塵
好在江南烟雨外
翠壺時醉洞庭春

嬌花媚草謾紛紛
直節清風見此君
我憶詞林余太史

題詩聊復繼停雲

送孫徽州詩 有序

宣宗章皇帝臨御深惟理民之道在簡牧守遂詔
廷臣三品以上推舉賢才舉謬有罰由是方岳郡
守得人爲多皇上嗣位一循成憲而簡擇加嚴賢
者能者咸見升用民安田里時號治平正統己未
之冬吏部奏藩憲府州官闕請如制報可於是刑
部侍郎何文淵舉兵部主事孫隆以聞授徽州知

府輿論偉之蓋以何君之明知人孫君之不忝斯
命也孫君字從吉始余未之識已聞其賢於縉紳
大夫及其班朝著相與往還久益熟皦乎其清粹
乎其淳確乎其執持溫乎其慈惠長厚之度在夏
官六七年其長貳咸信任焉京師之賢者皆與之
遊蓋仁人君子也前史所紀循良之吏從吉無忝
焉况新安朱夫子之鄉大賢遺化宜未泯也雖其
弗率者不能無十一於千百夫仁人君子推誠以

感之蓋無不可格者兩岐五袴之謠殆將有聞乎
故於別也詩以贈之

仙郎朝捧天書出五馬雙旌別路寒遙想陽和與嘉政
新年一併到新安

題何司歷梅二首

誰將煙艇過西湖寫得梅花入畫圖八卦推餘白晝靜
焚香何假博山鑪

大庾關頭第一枝會稽筆法幾人知疎影清香坐相對

君平初是下簾時

題江鄉歸趣圖 有序十首

少保澹庵楊先生同僕在館閣四十年今皆老而未能退間出江鄉歸趣圖見示蓋其所資以自適也江漢間僕少年所嘗游者嗟夫人之心豈異哉君子之出處則有義焉因賦小詩十首前四首勉公於義第五第六蓋寄思今懷古之意第七則憶僕少時所游其末三首又僕之終不能忘情於江

漢者皆實心也敬書於圖之左方云

手握天機絲五色大庭補袞不辭勤如何一夕秋風興
憶著滄波舊釣綸

綠水青山寫作圖無邊逸趣在樵漁不聞昔老渭川叟
八十初來載後車

早年八九吞雲夢老見乾坤四海心爲語江雲緩飛去
從龍還用作甘霖

七十年高髮未皤新來歸興似江波玉堂更住三千日

去和堯民擊壤歌

一帶江鄉五千里春風浩蕩畫圖新
莘野磻溪有相似
明時耕釣豈無人

金陵南上到江陵看畫依稀感慨生
赤壁尚餘沉戟在
黃州誰和洞簫聲

巴陵西畔楚江分曾泛湖波望岳雲
借得君山小龍笛
月明吹向洞庭君

少年初賦遠遊篇曾看三湘七澤連
共是玉皇香案吏

他時隨去挾飛仙

鸚鵡洲前楊柳樹
飛花偏著釣蓬多
何時半醉蓬窻底
卧聽滄浪孺子歌

半生近侍共清班
行見天恩並賜閒
重過南樓跨黃鶴
尋君須到繡林山

題竹鶴雙清圖寄賓畿弟

有序二首

賓畿老弟寄古畫一幅
求題詩曰將見詩即見兄
也然畫歷久色黥不可題
有貺余雙清圖者諸學

士皆已題詩余遂續題于後以寄賓畿其附來古
畫則留之將求善工重表以閒暇披閱則亦如對
賓畿云

初下雲霄息羽翰清風閒傍翠琅玕無邊玄圃滄洲趣
寄與家林老弟看

憶別賓畿九歷春天涯霜鬢各如銀懸知林下多情事
還對皋禽念遠人

題給事中梅花

螭頭簪筆退朝遲
小閣銀鉞玩竹枝
想見襟懷清似玉
冰霜還結歲寒期

題富溪山水圖 二首

曾從蕭峽沂桐江
隔岸青山擁客艘
何處水亭沽酒幔
誰家雲樹讀書窻

富溪邈在江南曲
水色山光畫不如
知有幽人茅舍住
盡拋塵事事樵漁

老妻郭夫人命服像贊

從嫁黔婁執勤儉奩中猶貯舊荆釵
內朝屢作東班首
拜慶金宮玉殿來

題魏仲房梅

瀟灑東風萬玉林清香終日伴清吟
都無一點流塵到
雅稱平生冰雪心

寄孫徽州

鄒縣幕譚孫徽州之政有仁人長者之風予爲喜躍故書此寄意云

新安太守布寬仁想見新安物
物春公暇高情倚盤石

金匱玉函
卷六十一
閒聽幽鳥看翻翻

題梅送廖子謨 二首

河間佐郡屢經秋幾度懷人增別愁
報政重來又分手
白雲紅樹思悠悠

送行折贈一枝梅想見家林次第開
解紱何時共歸去
歲寒花底共銜杯

自贊小像

老子今年七十三不勝歸思在江南
天恩若許辭簪紱

猶辦綸竿釣石潭

題李學士竹梧 有序二首

前十年余官春坊從沈君求此畫不得近時勉學
士權掌翰林院印沈遽贈之蓋春坊學士不掌印
也世俗謂人不可一日無權二君之贈受果何如
余他日過李見之因道往事李曰公欲得即請奕
僕不勝當讓僕遂偶勝時行儉詹事習禮學士皆
在相視大咲余顧童子卷畫去然自是每見李輒

有不舍之意余固不欲奪其所好也遂歸之且題詩以博李君一笑沈君覽之亦未必不自笑也

碧梧翠竹兩清姿豈但高齋坐對宜裁管斲琴堪大用不然須見鳳來儀

永別錫山王道士空餘翰墨亂人心黃金若綰封侯印
曹霸王維聚若林

題墨竹寄劉子偉 二首

江上好山千萬重看山長踏翠芙蓉他年解綬還鄉邑

竹杖芒鞋與爾同

袖拂青烟躡紫霞
尋龍尋水看金沙
道人久有歸休意
指箇溪山著我家

題竹寄顏肅訓導

久別慶雲顏博士
書來爲喜報平安
同鄉無限相思意
特寄清風客裏看

題徐良玉梅花 二首

兩度安南奉使來
玉葩曾看嶺頭梅
由來使者清於玉

不帶飛塵半點回

天闕南頭治夏官公餘庭館對芝蘭庭前別有梅花樹
冰雪相看到歲寒

早發通州望朝陽門

滄海熹微曙色紅露華清溢萬年松君王正御蓬萊殿
鐘鼓聲高出九重

寄長兒韻語 有序三十首

吾仕京師四十年歸僅四十日內外親朋遠邇紛

集旦暮之間應接不暇父子家話不及一言啟行
先夕酒邊數語未盡吾意別來舟中念之耿耿故
逐事綴爲韻語凡三十首寫寄長兒稷七十五歲
老人愛子之心悉具此楮稷勉承吾意庶幾不隳

孝道云

萬里回家四旬住內外親朋擁不開父子未能留一語
別來思憶使心摧

禹拜善言登聖域仲由有過喜聞之七字嘉言常佩服

道吾惡者即吾師

聞說諛言得爾懽
忠言誰肯竭心肝
從今勉受賢人愛
莫把忠言反意看

責善輔仁爲益友
諛言讒說是兇儔
益友深交儼金石
兇儔遠避似戈矛

種禾必用薊稂莠
豈有薰蕕可共藏
吾兒盡絕讒諛侶
即起芳名致福祥

已足當休即便休
百年何用萬年謀
人人自帶生來福

枉爲兒孫作馬牛

明達之人無厚業但求足給免寒饑田多稅重後來累
絆子纏孫今未知

天地生人皆有命不須苦爲子孫謀諸楊田土連阡陌
身後何人保一邛

膝下諸孫玉不如父慈只合訓詩書飽讀詩書能變化
自然騰踏上天衢

森森孫子比明珠總是先公積慶餘佳婦佳兒勤善行

免教貽累及諸雛

達士仁人宏度量犯而不校務包荒是非曲直人人識
狗彘何須與較量

釋道邪言總是誣能明斯理即真儒愚人苦被愚人弄
費盡千金寸福無

東培西取亡民怨散施僧家與道家如此善因求有福
有灾無福只堪嗟

人生陰德由來好周急憐貧濟寡孤不在緇黃誇布施

不教鄉鄰怨侵漁

臨財能讓真君子恃力誇豪搃惡徒忍氣平心戒爭競
一生安穩絕憂虞

父子強梁暴鄉里鄉人怨忿切心肝須臾沉沒無遺頌
看取水南張狀元

年來狐豕縱橫甚假託聲名指我家我家若解持廉靜
狐豕雖頑未敢譁

立志應須學古人讀書方見古人真煖衣飽食亡塵慮

卷六十一
窓下燈前莫厭勤

明窓淨几閒臨帖東閣西齋靜閱書諸子娛親時繞膝
清時清樂有誰如

六行由來數睦姻士須重義勿輕貧老夫家譜分明在
莫以新親薄古親

東城汝兄我親姪汝宜親密無間疎盡誠盡禮相匡翼
大家改轍由正途

城東諸孫與我孫兄弟同延老成教記誦講說課學程

日就月將見成效

每言減獲皆人子曾寫陶潛訓子書叮嚀佳兒與佳婦
莫聽讒譖虐無辜

人家內外禮截然僧道豈容陳壽帕斯事傳聞未必真
有之儒風掃地也

虔州李旭吾故交汝醉逢之肆凌辱方面兩司向我言
使我低頭內慙慙

吾宗謹靜務詩書待制以來人共知豈可甘令後人說

承家不淑自吾兒

吾兒今年三十二已近人生半七十不早轉頭脩善行
後來追悔何由及

老人熱藥猶常戒况汝即今方壯年京華兩見談星者
厄運須防四九前

七十春秋雪滿顛都緣子姪苦憂煎老人在世無多日
願乞安心了暮年

人生至親惟父子備述恩情在於此千言萬語無他事

惟願脩仁循義禮

送沈少卿南歸 三首

玉旨朝來下赤墀
遽傳騎馬發京師
崇文門外官亭柳
卧病無由贈一枝

黃菊初花未有霜
錦袍歸帶御爐香
自緣白首懷素梓
不爲尊鱸憶故鄉

江上青山錦樹明
歸舟如在畫圖行
十年兩奉天恩去
綵筆題詩一路清

題竹寄李廣二首

平安寺畔相迎處武姥峯前載酒時
思憶高情又三載
東風遙寄鳳凰枝

勁節虛心碧玉竿
凌霜傲雪拂雲端
纖塵不到清陰下
最稱溪南隱者看

送外甥周丹元有序三首

外甥周丹元隨父母戍臨洮四十餘年矣其母余女弟也今惟母在間遣丹元來北京省余其歸也

書此贈之

垂髫憐爾侍西行
此日相逢白髮生
萬里京華訪遺老
他鄉還重舅甥情

西望臨洮地苦寒
明時遠戍莫辭難
好敦孝敬奉慈母
更盡勤誠悅上官

渺渺江南道路長
故鄉回首勿情傷
梅花自是江南物
但看梅花即故鄉

題梅與之序姪

盤中松竹如雲霧
尚少梅花玉雪姿
安置在草堂成四友
歲寒相對靜相宜

題畿孫孔雀牡丹

洛陽高品移來滿
南海雕籠入貢頻
惟有武英邊

闕
詔

從遊常看上林春

題畿孫松梅鶴

綠雲細剪蒼龍葉
白玉香開錯落花
何處飛來雙鶴馭
畫中疑是洞仙家

題竹寄蕭元立

四年不見蕭元立
遙憶新來滿鬢霜
深結茅齋對岩竹
還依泉石種昌陽

題蕭壻承恕竹

鳳凰池上寫琅玕
便有清風五月寒
石臺溪畔桃源裏
最好蕭齋靜處看

題蕭壻承恕東山圖

早於塵外寄高閒
中歲安邦指顧間
畫史豈知經濟事

惟將適趣寫東山

送曾永齡赴恭城知縣

有序一首

先母舅陳孔碩先生之子壻曾永齡新除恭城令
恭城雖遠且僻然皆王命也庶以端己仁以厚下
庶幾可稱令職永齡勉之其行也賦二小詩爲贈
云

玉河橋東酌玉壺
崇文門外歌驪駒
銅章新綰廣西去
一路春風聽鷓鴣

新除令尹恭城縣萬里驅馳過桂林聖主恤民無遠近
好勤綏撫體皇心

題竹寄雷道夫

孝感坊南看竹枝高齋同詠武公詩交情四十餘年在
黃鶴白雲勞遠思

題德貫牡丹松鶴

虬松千丈拂青雲初下雲間散誕身畫史安知海天意
粉圖空寫洛陽春

送姪壻劉鉉南歸 二首

憶過沙溪訪隱君，靜安堂上倒芳樽。
轉頭流水六十載，今日燕山遇乃孫。


沙溪溪上幽且深，赤麻秔稻易黃金。
更莫遠行江漢上，從來漢水蕩人心。

題竹寄彥實姪

清江一曲繞柴門，樂志軒中隱趣繁。
滿種琅玕隔塵榻，更栽簡冊課兒孫。

題木石小畫與鏞孫

奕奕西昌貞節門黃陂丰采見曾孫須以詩書振勲業
莫隨木石老邱樊



東里續集卷六十一

欽定四庫全書

集部

東里續集卷六十二

詳校官檢討_臣羅國俊

中書_臣劉源溥覆勘

總校官進士_臣楊懋珩

校對官中書_臣王鍾泰

謄錄監生_臣張士琛

欽定四庫全書

東里續集卷六十二

明 楊士奇 撰

詩 七言絕句

題竹送輝姪歸宣城 三首

家住珠林楚水濱
林端歲歲鳳毛新
草堂數世今無恙
但保詩書啟後人
故家同是竹林人
萬里重來意獨親
垂老還堅歲寒操
要看高節拂青旻

敬亭山水產賢英在昔文章屬有聲天上銓曹待成蹟
幾年承祿教宣城

題輝姪梅

魚浦龍洲五百年幾家文獻故依然歲寒人共梅花好
始是吾宗清白傳

題竹與鏞孫

我家賢弟珠林下逝者寧知生者悲四十七年長在夢
眼前慰意見孫枝

題孝友堂

有序

君子之德本諸身舉而措之始於家孝友者教之
惇於家者也克惇於家則於事君於臨民無徃弗
得矣故孝友百行之所始也知州宋安出曾學士
所造其家孝友傳覽之不勝敬重之意爲題近體
一章于後云

一門孝友同天性爲愛宋家三鳳凰不見河東祥與覽
千春簡冊有輝光

題趙松雪畫馬

天閑第一渥洼姿卓犖騰驥肯受羈何不翻然絕牽控
躡雲追電看神奇

具慶堂

二首

白玉娟娟粉署郎明時具慶築高堂天恩寵賜天曹祿
五彩衣裳獻壽觴

紫誥鸞翔下九天龍章輝映綺堂前人生何幸親長健
榮捧天恩過百年

題行吟澤畔圖

尚有狺狂箕子奴憂心何獨楚三閭扁舟鼓枻長歌者
不是從前荷蓍徒

題梅花贈宋洵南京戶部檢校

妙年冠帶仕京華橋梓光榮共一家但遣襟懷如玉雪
簿書閒暇對梅花

蕭母蔣氏輓詩 三首

結悅來嬪君子室琴聲容易變孤鸞來時皎皎鳴璫玉

直到泉臺似昔看

清闕白雪照孀居閉戶常勤教子書八十全歸闕無憾

即看華表樹門間

孝子南歸望白雲麻衣血淚濕紛紛升堂闕看

况復啼鳥不忍聞

題蔣壻重畫

溪鳥溪花似越中山林清出水西東誰知白髮紅塵客
釣艇常懷張子同

題竹寄張從善 二首

江漢交情四十春，別來衣袂滿緇塵。
平生高義憐張仲，

鶴嶺鸚洲入夢頻。

大東門外脩筠畔，幾度行吟共日斜。
衰髮于今各成雪，相思相望尚天涯。

題竹寄楊伯升

夏口驛前風物清，幽居蕭散澹無營。
一枝歲暮清於玉，爲託篔簹寄遠情。

題竹贈蕭思敬致事

三年丞邑民皆愛未老辭官興浩然
流水清山竹林下
清風日日聽鳴弦

題吉安府訓導胡縉梅二首

書臺東畔泮池濱臘月開花漱
灑春常有清香來講席
莫因俗轍惹流塵

吉州黌舍擁皋比濟濟英才望
得師須似梅花冰玉白
郡人翹首看操持

題道會劉處常畫

五首

新拜天恩除道會南平邑裏領黃冠神仙官府無塵到
喬木脩篁繞石壇

故家本自尚書族元住江南珠浦濱歸掩玄關力精進
古仙多是姓劉人

聞說延真戴道士年來塵事不關渠松根千歲苓堪食
只辦焚香禮玉虛

白鶴觀中存古堂曾聽仙曲奏琳琅抗塵走俗頭成雪

回首碧霞歸思長

樓閣參差照紫霞
黃茅岡上羽仙家
幾時攜酒樓中坐
醉看金華與玉華

送楊昱歸省

六首

澹齋先生冰雪搽
館閣論交三紀餘
時節相過見諸子
愛淥清潤比瓊琚

兩家比屋東西住
靜夜篝燈聞讀書
南郡義方真有道
每慚衰倦百無如

同官同事復同宗我與而翁道亦同翁有佳兒信麟種
回看豚犬但心恫

前年南上省慈親旋侍嚴親近北辰富貴光榮皆外物
人生真樂是天倫

塞垣白鴈逐秋回野岸黃花浥露開萬里江陵赴慈侍
扁舟珍重去還來

鮮桃艷杏春前盡翠栢青松雪後妍七十衰翁無可贈
贈渠貞操閱長年

題戴文進湘江雨意卷 二首

十年放浪湘江客，題遍江頭綠玉枝。
今日披圖看煙雨，秋風霜髮已成絲。

紛馳名利不知勞，馬首紅塵十丈高。
誰似錢塘戴文進，小齋無事玩湘皋。

題戴文進竹雪書房 二首

分栽脩竹已成林，每到嚴冬雪積深。
齋館相看未曾厭，只緣俱有歲寒心。

此君高節淨娟娟，况復瑤華相映妍。
王子齋居足清興，定知不掉剡中船。

題士器竹

崢嶸冰雪歲寒時，誰寫琅玕贈別離。
多爲此君貞操在，歲寒冰雪有深期。

題凝翠樓二首

住近東華五雲下，車塵不斷撲簾屏。
別開樓館看塵外，萬疊西山過雨清。

妙墨淋漓濕未乾
山光林影翠成團
渠家高館偏多趣
北苑南宮繞座看

題周汝清梅

三首

本是陽春第一花
皎如冰雪淨無瑕
自緣不與東風競
故向寒冬作歲華

瀟洒江南清渚曲
乘春多植傍瑤京
舊家只說蓮堪愛
不說梅花更自清

誰樂明時作冷官
羨渠蕭散意能安
小齋一榻清於水

坐與梅花傲雪寒

題曾鞏主事竹石圖

石上脩脩翠兩竿含風泛雪拂雲端時平訟簡文書靜
最好秋官署裏看

題竹送王時俊左遷雲南

二首

鐵石爲心玉雪顏遠行巴峽上黔山明時謫去休嗟歎
早晚天恩定賜環

冬官郎署過秋官節操真成六月寒萬里黔南作遷客

清風持贈翠琅玕

失題

渺渺吳江遠別離
慰情持贈鳳凰枝
歲寒但保冰霜節
栢府松廳處處宜

送馬檢討歸閩中并寄聲李全太守

三首

幾多鶴髮京華客
榮利關心未肯閒
誰似翰林馬檢討
黑頭苦意戀家山

二十餘年住兩京
蓬萊閣下預恩榮
衣冠歸里何多幸

老傍林泉閱治平

爾鄉太守吾鄉彥爲政心同閭水清料爾到家春亦到
劭農正值出郊行

題竹寄一夔

有序

一夔侍講自余布衣至仕宦四五十年之交其高
潔之操挺然儒林之表也久別在念人行不及奉
書舊得夏仲昭中書寫竹書此二十八字識嚮往
之意



夔翁又是三年別白髮論交重比金萬里停雲頻在望
一枝聊寄歲寒心

出京畱別翰苑諸公 二首

身著宮袍拜玉旒東風二月別皇州玉堂學士于今盛
一顆明珠不暗投

東嶽祠前動別驂歸心先已到江南同官敢怨無言贈
玉旨丁寧已再三

書驛舟 三首

二十六年曾過此蕭蕭蘆葦帶荒村如今重過頭成雪
渺渺桑麻雨露繁

風激黃河白浪生畫船南下日西明怡人一片蕭閒趣
兩兩水禽相對鳴

新橋驛 二首

九河水泮綠差差洲渚鳧鷖近不飛夾道如雲楊柳樹
盡舒春色送人歸

官船撾鼓夜過半起視星河盡轉西津吏臨流迎下纜

人家兩岸曙鳴鷄

興濟縣 二首

夢到江南水竹居計程猶是五千餘行舟過處人驚訝
爲有龍光動璽書

道路相傳畫錦歸人家競出看光輝豈知白水青山客
不改從來舊布衣

過東昌驛遇邛誠驛丞 二首

天恩特許暫還鄉憶別鄉關四十霜喜見南來好春色

柳條將綠到東昌

舊同魚浦龍洲住
嶺表移家歲月多
今日聊城喜相見
匆匆無那別情何

過安山驛有懷蹇尚書

重過安山曉繫船
東風楊柳藹人煙
同來悵別人何處
寒景淒涼記昔年

滯風雨采石有懷尹自道同知

二首

聖主深恩賜暫歸
龍河水泮別京師
重來不待榴花節

爲報當塗貳守知

謫僊祠下杏花殘孤客維舟倚暮寒相好相思不相見
滿江風雨夜漫漫

荻港

春雨凝寒著杏花春風吹綠上蘆芽行人數日江東道
次第看山到九華

望湖亭

好風十日迎歸棹已歷長江及大湖曉上高亭更回首

五雲直北是天都

題梅與李仲貴 二首

四十餘年歸舊里不勝衰薄歎民風一心恬憺無塵累
閭巷相看有此翁

歸里匆匆欲別難畫船春水發江干一枝畱贈羅浮玉
他日歸來共歲寒

題梅贈王澄淵貳守 三首

分手都門歲月賒思君夜夜夢梅花貞姿一段清於雪

金方七ノノ二
不讓西湖處士家

鏡作根株玉作神
耻隨桃李混芳塵
一從移植青山側
野水疎籬自在春

四十年來金石交
枉煩青眼顧衡茅
臨岐不盡歲寒意
持贈羅浮月一梢

題竹與李懲

上沂蕭灘下彭蠡
官舡十日安如山
爲感薇垣李從事
聊書淇綠送南還

題梅寄鍾天錫憲副

二首

早屬秋官起盛名又隨司寇飭邊城平生一片冰霜操
移向東藩表潔清

故家共住西江上爲託梅花寄遠思無限鄉園清白意
與卿同結歲寒期

贈金華劉實通判

三首

劉吾郡進士邂逅河上
坐談久之書此爲贈云

姓名早見書金榜佐政黃堂又四年自有郡人歌豈弟

相知何必上官賢

金華自昔多文獻
繼者何人久未聞
勝地良才終不乏
及時培養在諸君

府倅官清面帶霜
庭前種得翠簪簪
春來不愛閒桃李
只愛清風五月涼

題梅贈揚文昭廣東憲使

二首

白簡緋袍寵命新
南行一路見陽春
明時憲府清於水
只許梅花對玉人

華髮蕭蕭鐵作冠
梅關此去路漫漫
憑將使者冰霜操
散作炎州九夏寒

贈夏仲昭歸省

二首

科名早列黃金榜
書學還趨白玉堂
揮洒常看五色筆
絲綸閣下染龍香

吳山浙水名天下
筆有王維與鄭虔
歸到江南寫真趣
一緘時寄五雲邊

題竹送周蒙南歸

二首

爲愛周園好竹枝，莫因風雨恨低垂。
歲寒但保冰霜操，會有凌霄拂漢時。

志人厚積而遲發，春花不待秋風吹。
龍駒一蹶豈足歎，鸞鷲重鳴應可期。

吳希淳寫神

多勤健筆寫衰容，解使人人識駭翁。
惆悵無因置林壑，秋風霜鬢尚飄蓬。

送劉朝宗隨州學正 二首

懇辭玉署投閒散一住潯陽遂十年小郡近連邳子國
還將文學教英賢

文皇永樂臨軒日玉陛傳臚升甲科寄語隨人莫輕看
先生馭歷自鑿坡

題鴈

渚田秋啄尚可飽江葦夜栖殊未安數聲還逐海雲去
怕有虞人持燭看

題養都指揮思親卷 二首

椿陰慘澹荆花拆莫歎陽和雨露偏行道由來自家始
人生有志在芳年

西江分閩升賢佐功憶先人百戰餘移孝爲忠有勛業
他年光暎史臣書

晴雨二竹爲江西都揮僉湯節題

二首

瀟洒渭川風日佳展圖清氣滿清懷彩雲庭院不相稱
最稱湯家蘭雪齋

鳳池舍人精八法新來寫得雨瀟湘數竿清潤如蒼玉

宜賓東皋舊草堂

題竹贈蕭令復任歸安 二首

我憶同鄉蕭縣尹人來頻問水精宮
萬里趨朝書上考相逢還恨別匆匆

雪墮關河楓葉丹扁舟南去路漫漫
一竿不是尋常贈要看青青傲歲寒

題竹送彭僉事旒赴廣東

雨收雲淨氣澄明千尺長空動羽旌
持向嶺南隨使節

高風猶是玉堂清

題劉城之梅花 二首

衣上緇塵四十霜
玉華東畔憶家鄉
年年開到梅花日
吟咏疎籬野水傍

窈窕文溪近武山
年年春早玉葩繁
南平進士北京客
常對新圖憶故園

題竹送楊仰謨同知 二首

萬里為官可憚賒
從來山水說三巴
巴西二守清貞操

肯愧廬陵忠節家

九河正月未消冰
匹馬衝寒發帝京
不盡同宗臨別意
題詩相送蜀西行

題竹贈康宜望

永嘉戎幕需賢佐
臨別殷勤贈竹枝
白日青雲看高舉
歲寒冰雪在操持

題蕭彥常竹

雨苔綠遍珊瑚石
雲彩晴開翡翠林
好作蕭齋傍幽處

自少日凡一
一編時究古人心

題楊允嘉近畫
二首

碧梧翠竹論清修
介石由來君子德
盛年學業在操持
寫向書齋作三益

嶧陽嶰谷總奇材
別有奇材泗水隈
聖治無為用韶樂
選材須獻大廷來

觀獵

四面虞羅三面解
凌空羽翮任高翔
遂令竹簡書仁澤

萬古殷湯是聖王

寄曾于皋 三首

暮筵芳酒溢華卮
記得臨分共論詩
流水韶光二十載
相思秋鬢各成絲

去年艤棹淘金驛
滿目蒼筠與絳桃
惆悵交游總泉下
獨思江浦有于皋

誤下漁舟四十春
清波夜夜夢垂綸
大綱促罟今無限
未信深潭有逸鱗

寄遠法師兼東南浦 三首

經年不到西蘭若清論常懷遠法師昨日過門闕迎送一編高絕見風期

松雲深處啟禪關草坐麻衣多在山應笑東華塵土客白頭如雪未能閒

文江江上龍華老一住平坡少出城又是經年不相見蒲菴新刻幾篇成

題菜 有序

吳隱之為刺史食不過菜盧懷慎為吏部尚書待
所重嘉賓設菜數菹山谷先生嘗題菜云天下蒼
生不可一日有此色士大夫不可一日無此味曾
時升主事出示此圖為題二十八字解嘲

落酥蘆葍嘉肥嫩野老常將擬八珍此日卿家看圖畫
秋官一味說清貧

題脊令圖

三首

湯一源分教蘇學將行出
此求題并致贈別之意

白雲原上經行日
傍墓曾看草結廬
今日都門復相送
綠袍分教赴姑蘓

故人死別逾三紀
喜見傳家有鳳毛
清代閒官得名郡
心存忠孝道能高

清泉白石秋風裏
下上和鳴相共怡
比似湯家好兄弟
臨歧為賦在原詩

題畫竹

鄒司務赴南京秋官
出此索題為賦二絕

冠紱承恩下赤墀
鳳池人贈鳳凰枝
南都畫永文書簡

展玩時吟衛武詩

太平隄畔是秋官門倚澄湖綠玉灣更出質籥望天上
五雲長護紫金山

題竹送任敬讓參議

二首

萬里之官欲別難朔風吹送潞河干近河榆柳凋零盡
惟有琅玕見歲寒

十載低眉厭郎署清風高起鳳凰枝浣花溪畔多鄉故
為託平安寄遠思

題陳知府竹

有序

吉郡太守陳侯九載之績奏最上從郡民再留之
請增祿復任士奇郡人也且舊與侯同朝相知蓋
深今侯瀕行出此竹索題輒為書三絕句

十年為郡種質蓄富有清風九夏涼太守從來多惠政
後人將比召公棠

翩翩五馬導雙旌金闕朝回合郡迎帶得自天新雨露
綠筠加倍舊時清

好竹何妨種萬竿，豈徒惟日報平安。此君元有清貞操，
傲閱冰霜過歲寒。

題竹贈楊友文運副

三首

十年坐判維揚郡，令譽芳聲特達開。惠政及人還未已，
升官重向廣陵來。

歲久嵯臺吏，蠹深朝廷選。士比南金富，饒有道期禪。國
祇在清貞一寸心。

清比篔簹貞，比石由來志。士有深期殷，勤一片同宗意。

金少日人二
卷六十二
贈向淮南慰別離

石憲使慈壽堂 有序

江西憲使臨漳石公仲玉早孤賴母之訓勤學有
立自監察御史再陞憲使廉潔寬厚獄無冤滯十
三郡之人皆歸心焉其母年將八十公名其奉養
之堂曰慈壽蓋念非母之慈不有今日而願母之
壽則孝子之心雖千百歲不已也士奇江西人又
嘗與公同朝熟公之事為賦二詩書諸堂中云

憲府從來冰玉操為承慈訓歲年深平反日奉諼堂樂
全勝西京雋母心

珠翟雲冠兩鬢霜南州使者侍高堂堂中但祝百千壽
日進流霞斝玉觴

題庭循所藏孟端竹

王黻作畫天機精健筆所至秋風生偶然貌得丹山鳳
長擅謝家庭館清

寄楊少保 二首

分手東華一月來
畫船春水奉恩回
計程定過金陵去
新筍鱗魚對酒杯

三十登朝雪滿簪
長風萬里稱歸心
白雲翠岫江鄉趣
一路題詩入繡林

題竹送歐陽瀚教閩縣

二首

故人有子早能官
萬里曾經蜀道難
此去三山近南海
講帷依舊一瓊寒

寫得淇園脩竹枝
臨行聊贈慰相思
清風直節歲寒意

別有雲霄遠大期

題竹送劉順常教揚州

二首

揚州繁盛接金陵北賈南商滿市坳惟有泮宮清似洗
衣冠長日坐談經

博士之官向竹西一竿聊慰遠分攜綠陰齋館無塵雜
講罷新詩取次題

題竹送張鳳應縣丞

華亭貳今朝回日凜凜冰霜歲暮寒為有一枝清似玉

同鄉持贈異鄉看

荊州太守劉永母輓詩 二首

喜聞春意回南郡
遽報淒風起北堂
臥轍攀轅空滿路
麻衣血淚使人傷

詩書何幸際明時
得祿承歡母遽違
遑升堂最是傷心處
挂壁猶存舊斷機

送余通判 三首

燒燈節後發京師
春色初回楊柳枝
耆老如雲待漚渚

到官莫過牡丹時

分明一道澄江月照見冰霜鍊石心誰謂今人未如古
古來循吏只如今

吏胥無復到鄉邨誼雜何曾及縣門歲歲年年比今日
邑人常戴府公恩

題王氏水竹居

有序
七首

王氏之居百年之前名勝所集王楊世好也某童子時及聞先生老長緒論今年七十有八矣鄉里

自序下人ノ二
卷六十二
前代風流儒雅蓋某外知者少矣恐更數年知者
加少七詩雖辭旨凡近不能為水竹發其精彩而
使後生晚輩與聞故家文獻之盛之萬一者亦不
可無若末篇私願天將必不靳於吾輩也

家住龍河碧玉灣清風遠屋萬琅玕舊聞嵇阮諸才子
常聚南園與北園

王園西畔接文溪種竹臨溪箇箇齊剩有山陰三月趣
彩毫麗句吐紅霓

國初耆俊滿西昌文采風流重二王我憶為童隨杖屨
質管谷裏聽琳琅

最憶瓊臺太守賢早從林館究微言尋源曾泝義文上
細論先天與後天

臨濠千歲散枝繁又到虹溪幾葉孫溪上森森皆玉立
只應詩句詠淇園

少日林泉共隱淪披衣掃石蔭晴雲前年重過嬉遊地
親見詩人詠五君

叨祿京華總白頭天恩有典賜歸田
煮茶亭上伴燒笋
更折長竿共釣鮮

題龍士郁竹

甘溪溪上綠猗猗映日含風千萬枝
最有一枝清似玉
春明開向鳳凰池

題竹贈陳侍講復職南京

二首

尋常去住難為別況是平生心所親
木落天寒歲華暮
白頭人送白頭人

嗟君獨去路漫漫聊贈淇園玉一竿莫厭兩京頻間闊
清風將比故人看

題竹寄本清良友 二首

往歲金陵城裏住竹陰相對話同鄉薊門此日看圖畫
却望金陵別思長

莫道尋常脩竹枝貞姿白石共幽期南京公館多閒暇
時詠武公淇澳詩

奉和澹菴少保題梅花韻 五首

昔有故廬鷗渚上東風遶屋看梅花北京二十餘年住
幾度披圖倍憶家

萬蕊千葩激濫春彩毫揮洒得天真洛陽花品多堪畫
不似羅浮迴絕塵

畫史皆明造化功清江不與會稽同古今吟咏多高致
豈必林家香影中

歲歲陽和獨早回含冰綴雪晃晴暉向來止渴人皆重
太息調羹事久稀

共愛開花擅早春何分芰帶與朝紳
玉堂金閣看尤好不但疎籬野水濱

題東禪老僧所藏陳舉善小景

并序

東禪雲所上人道行俱高其年踰八望九與絕聽聞
公同輩行叢林大老也此畫洪武三年吾泰和丞會
稽陳能舉善作極蕭散之趣超然絕俗也其人品亦
高題詩六人惟于閔余不及識其第一首名經字中
常陳丞之父歸然前輩矩度於作中州樂府尤精張

小山高弟也第二羅楚材先生初名晉用後易為
進德異人授岐黃術孝友端介之行追配古人第三
海素陳先生邑大儒江右學者皆崇山斗之仰羅先
生官至德安府同知鄧先生官至四川鹽運經歷二
先生皆皦乎冰玉之操之五六君子者當時所謂千
人亦見萬人亦見者非雲所何足以得之而謝世遠
者七十年近亦五六十年今見而知之者寡矣雲所
之玄孫寶藏此卷重裝潢以求余題既為具諸老

大畧而係之詩匪曰續貂亦以識慕仰之意云

雲所道人飛錫遠白雲猶護舊禪房
向來聚得昆岡玉
長向林中起夜光

題梅送王瓊玉致仕

二首

辭榮我羨王瓊玉贈以江南白玉花
此花開滿西昌縣
江上蒲帆應到家

收斂心情已息機送行更咏白圭詩
歸來紗帽籠頭坐
莫遣流塵染素姿

城南茅屋

韋杜城南尺五天東風花柳醉歌前
豈如茅屋青松下
掃榻焚香撫七絃

題常熟郭令梅

鍊作根株玉作葩含霜映月淨無瑕
海虞縣裏清香滿
不比河陽潘令花

題趙琬司業竹二首

琅玕竹蔭瑪瑙石橋門風致自鑿坡
司成堂上詠淇澳

六館諸生日切磋

賢關一掃榛荆淨
滿目清風翠玉枝
成陰結實當自此
早晚雲霄觀鳳儀

題廖監正山水

溪上好山青萬仞
傍山臨水結茅堂
扁舟載得綸竿過
不是吳鄉定越鄉

題歐陽渤梅

莫嘆冷官兼冷地
古人憂道不憂貧
一經分教繁昌縣

日對梅花慕古人

題歐陽潘梅 二首

我家文節宋名臣
風節當時表縉紳
景仰前脩在賢輩
莫因詞賦託騷人

萬里秋風蜀道難
綠袍西去作儒官
行裝祇有梅花卷
須共冰霜閱歲寒

題梅送劉子輝博士 二首

向來三縣擁皋比
衿佩詵詵喜得師
賢闕此去藿鹽味

又學元和韓退之

文江博士故多才爲喜亨衢特達開九載相逢遽相別
臨岐聊贈一枝梅

題梅寄蕭雅容布政 二首

螺川驛下雨絲絲暮燭維舟話別離滿袖春風向江漢
南瞻黃鶴不勝思

回首分攜四越春江雲海樹夢頻頻過鴻聊寄相思字
定對梅花憶故人

寄張信都督

十年不見張公面
萬里橋邊住錦城
玉帳牙旗擁兵衛
清風常對雪山清

題鄭中書畫像

芙蓉秋水粲竒姿
曾折雲中仙桂枝
總向盛年觀德業
春光正在鳳凰池

吳興章郎中母輓詩

三首

碧桃庭館四時春
珠翟雲冠五福身
何用瑤池覓金母

水晶宮內有仙人

上堂甘旨皆推孝主饋恭勤更讓賢
八十年華隨逝水
獨留女範後人傳

遠道孤兒望白雲麻衣血淚濕紛紛
歸來自有終天慟
况復啼烏不忍聞

題郭公緒畫

一卷苔蘚堅貞操千尺雲霄挺特姿
尚有山林蕭散意
南行相送寄相思

題揚宗鼎所藏趙仲穆小畫 二首

茅屋溪山負絕塵，青松長對老龍鱗。
高情恐是王摩詰，騎馬橋南訪隱淪。

林外青山山下溪，白雲翠浪晃荆扉。
畫圖自是江南趣，身戀君恩獨未歸。

輓詩 二首

詩書世積擬菑畬，孝友人傳徧里閭。
清代光華騰五色，鳳凰池上鳳凰雛。

荷衣蘭袂青松下親見升平六十春
雲海忽驚翔化鶴
吳淞風月屬何人

題周主事馬

二首

五花粲粲雪霜明
休訝騏驎地上行
定是夜中精彩動
上干銀漢射房星

紫禁日高仙仗下
金羈隨處得從容
滿身雲影疑浮動
知是天闕八尺龍

題唐臨絹本蘭亭後有子昂畫

金匱八十二
卷六十二
枝楔蘭亭三月初流傳翰墨世璠璣吳興繪事真兼妙
恨不揮毫到舞雩

題武昌陳氏榮壽堂 三首

高卧煙霞似散仙春秋人羨伏生年間吹紫玉攜黃鶴
來往三湘七澤邊

九天鸞誥下林皋五彩宮羅繡豸袍榮壽堂中過百歲
日持仙醴薦仙桃

坐分天祿荷天恩賜帛年來屢到門但比乾坤祝明聖

都將勲業付兒孫

侍遊西苑應制 九首

萬歲山連紫禁西
承恩吉日許攀躋
雲霞光動龍蛇刻
徧看蒼厓翠琰題

琪樹陰陰翠不分
瑤塔步步入青雲
泥金壁湧沉檀氣
先到延和殿裏聞

金露玉虹相並立
皆亭名方壺蕭散對瀛洲
皆小殿名欲存峻

宇千春鑑長奉鸞輿萬歲遊

金
卷之十二
卷之十二
太液波晴屬豫遊
鳧鷖鴻鵠近龍舟
御前應制慙無補
但咏卷阿荅棹謳

一片簾泉瀉不休
別看噴玉出金虬
須教流下天津去
散作恩波潤九州

九曲流泉碧玉清
紅蓮灑迤送金觥
洛中勝事循周典
共侍宸遊宴鎬京

頻奉綸音近御床
聖情無已念先皇
從臣總是先朝舊
疊賜金壺白玉漿

頌來文扇出天恩，上有天章訓飭頻。
侍罷御筵重拜賜，尚書前面獨千緡。

御廐飛黃勅送歸，禁中不敢醉驅馳。
恩深難忘消淚報，願誦豳風七月詩。

送龔懿憲使致仕 二首

平生心在恤痾瘵，一日辭榮出九關。
袖却向來經濟手，去循南浦看西山。

非才誤下釣魚磯，徒遣緇塵滿素衣。
八袞年華雙鬢雪。

同鄉惆悵不同歸

題玄宗遊驪山圖 二首

上馬含嬌不任扶
君王攬轡待齊驅
蓬萊宮裏三千女
獨自驪山從乘輿

五隊如花出帝城
年年扈蹕赴華清
劍門西畔聽啼鳥
竟有誰從蜀道行

題梅贈挺孫南京都察院檢校

鐵作枝柯玉作花
精神冰雪淨無瑕
看圖常礪操脩志

莫忝南州清白家

送陳照磨赴湖廣

并引

四月二十七日宗理照磨赴湖廣憲幕來告別小
詩二章爲贈并寄意使副諸君子云

青春白晝多才思
徃徃明珠辱贈詩
江漢南遊五千里
錦囊還解寄相思

鳳凰山前憲使堂
尋常六月凜飛霜
堂中使者清於玉
黃鶴白雲離思長

題竹贈馬謹守禮御史

直道而行馬御史
冰霜節操鐵心肝
一庭竹色門如洗
坐對清風到歲寒

送崇式貳尹後餘意未已更續絕句

賢兄擢桂官
朝署令弟哦松
向海邦文水
仁山多盛事
周家白壁又連雙

鴻臚卿楊善父輓詩 二首

家臨晉水客燕山
晚際明時逝不還
鄉里到今談舊德

一生高致樂蕭閒

積書教子清風滿置酒延賓白晝長錦誥封官出身後

天恩千歲有

闕

送敬姪

三首有序

族叔求聞宰長垣卒於官遂塋焉子孫畱居墓側
再世矣其長孫敬重水木本源之念凡再至鄉里
拜先壟又再謁余於京余嘉之其歸也書此贈之
吾家賢宰宰長垣客墓荒涼有子孫六十餘年未歸得

至今源本重深恩

兩迴南上謁先塋
更省同宗上帝京
遠道驅馳見誠孝
詩書慎勿墜家聲

文獻傳家五百齡
憐渠北郡久飄零
是行好記殷勤囑
清渭無將混濁涇

題東山洞賓 二首

莫訝征西舊司馬
平生山水愛幽探
白頭匡濟成何事
回首東山已自慙

神仙只在人間世來往千峯萬壑雲至道非闕有傳授
他年那得呂岩聞

送劉習之

有序

廬陵劉習之子老友嘉會先生之令子也舉懷材
抱德授廣東按察照磨因賦近體七言絕句三首
以寫別意云

曉辭丹陛出神京一席秋風萬里程舟過螺川寧省處
鄉閭爭羨錦衣榮

尊府先朝老縉紳賢郎新榜又登名君今廣憲紅蓮幕
月照冰壺分外清

東廣迢迢萬里餘西風落日片帆孤臨行不盡同鄉誼
更寫餘情在畫圖

題鵝姪畫

員峯湧翠雲浮玉盤古洲前頗似之鵝也誅茅好結宇
待予解綬共棲遲

集句

酌劉士簡

有序

劉士簡集古句爲長詩附其弟鼎見贈鼎來三閱
歲矣閱不出近因梁弘秀才追至得一見鄙薄固
不足以當所言然其綴輯之意勤矣遂集杜爲三
絕句書於寫竹之上用酬士簡云

無才日衰老常在羈旅中詞人取佳句獨贈白頭翁
舊繡移曲折新詩作寄將開緘風濤湧感子故意長
文章千古事持荅翠琅玕但令無剪伐日日報平安

詩餘

賜從遊萬歲山詞

有序

宣德三年仲春之日天氣清和風塵不作皇上萬
幾之暇駕幸西苑特召尚書學士皆從臣士竒與
焉既遊萬歲山命就御舟遊太液池以徧歷苑囿
之勝羣臣頌伏言陛下寵恩之厚非愚臣等所宜
蒙荷上指御舟諭曰以操以濟羣卿之力君臣之
義欣戚是同聖諭再三獎與過分是日菓茗酒饌

之賜皆出天厨之珍加之賚予之厚下暨輿皂均
沐洪賜遭逢之幸在古鮮儷敬賦清平樂詞十章
以識盛事其詞曰

御河水泮禁籞春光滿中使傳宣陪賞翫西過蓬萊仙
苑內街許驟花驄新醕勅賜黃封共侍翠華遊豫仰

承霄漢恩濃

右一

五雲仙島海上蓬壺曉紅巘丹崖春正好香動玉華瑤
草飛龍翠輦初來翔鸞寶扇齊開聖主樂同賢輔愚

臣自愧非才

右二

廣寒宮殿曉駐黃金輦
天上彤霞平近眼
俯看碧雲芳甸
乾坤六合皆春榮
光瑞彩津津浩蕩
雲飛川泳甄

陶總出皇仁

右三

碧池千頃湛湛涵天影
清似玻瓈明似鏡
洞見柔條新荇
金鱗翠羽夷猶紅
橈盡槩訶謳何幸
盛時多暇共

陪太液清遊

右四

鳳池龍舸畫楫黃金柁
亭午虹橋西畔過
瓊管瑤箏相

和 彤亭面面彫欄天光雲影盤桓世外銀潢玉宇春

前麗景清歡

右五

小山千丈粲玉蕖仙掌鶴檜鸞篁森拱向春逗萬年枝
上 黃金矯矯蟠龍青岩洒洒輕風口噴汪洋天澤須

教大地年豐

右六

石渠清泚宛轉千花裏翠勺金蓮傳玉醴瀟洒落紅流
水 連茵坐飲悠哉流杯飲過還來聖主恩深如海醉

教馬上扶回

右七

瑞禽靈獸自古希奇有鸞鳳來儀麇鹿伏好似舜庭文
囿傳宣特賜奇觀山呼拜舞騰歡清世泰和嘉應聖
人道合乾坤右八

玉京仙境瑞氣融春永明主承天天錫慶雨順風和嘉
應謳謌四海豐年簫韶九奏華筵聖世均調玉燭皇
圖帝壽齊天右九

施恩宣化一統函夷夏端拱垂衣幾務暇光被普天之
下簪纓扈從游巡乾坤萬物皆新蕩蕩太平熙皞吾

皇萬歲千春

右十

奉壽思貽兄 二首

皓月當庭照彩燈
華筵春透酒如澗
昔年把酒記吾曾
今日楊園賓客聚
壽星相應德星明
六千里外獨思

兄

右浣
溪沙

春意滿堦除玉色
梅花照鬢鬚
老子壽年過九九
懽娛醉影婆娑不用扶
蕭散一塵無
綠樹青山處
士居兄

弟別離三十載
何如春鴈來時定
寄書

右南
鄉子

寄壽仲亨兄

木蘭
花慢

簪纓四百載記科第有家傳羨雙玉連枝栢臺冰雪粟
里風煙逍遙葛巾藜杖傍青山綠竹俯丹泉天賜十分
清福人尊八袞高年一塵不到研屏前綵筆映華牋
想菊畔題詩梅邊作賦佳趣依然兒孫書香宦業者名
家慶澤遠綿延望望德星南極壽觴正聚羣賢

壽蹇少卿

滿庭芳

四紀廷臣三朝國老左班領袖官僚手扶紅日兩度上

青霄一片丹誠奉主持恭謹不間纖毫從容處調羹事
好補衮更才高君臣魚水契龍章鳳勅前後華褒者
滿懷春意富貴無驕嘉慶今年七十梅舒玉香藹宮袍
更百歲康寧壽福長遠佐唐堯

壽建安少傅

水龍吟

一星南極輝光每年臘節明朝見黃封賜酒翠盤仙脯
畫堂張宴濟濟嘉賓謀謨耆老文章英彥想從初獨稟
武夷之秀金榜登高選早侍九華春殿彩毫揮五雲

騰絢驅馳扈從東征北討馬蹄行遍身仕三朝手調金
鼎芳名馳遠願長年佐輔皇恩帝德百寮冠冕

壽時勉李學士

臨江仙

霽月光風襟度好文章清比琳瑯蓬萊山近殿東頭論
忠獻納鵠立侍宸旒六十今朝初度日明朝又届中
秋桂花香泛紫金甌賓筵為壽不住算觥籌

壽黃學士

水龍吟

好花開到紅榴帝城明日端陽届先生壽旦官厨細酒

士林嘉會內閣當年七人同事四人今在一人千里外
還留鼎足權相對須拚醉不改平生剛介更華髮朱
顏無改聲名事業安榮憂患從前無愧紺雪晨飡黃庭
書詠出塵瀟灑碧雲冠往來天台鴈蕩作人間瑞

歸田趣

滿江紅
四首

春牧

霜髮蕭蕭皇恩重賜歸田里郊郭外草亭四面青山綠
水好鳥好花春似昔同時同輩人無幾一布袍棕帽任

消搖東風裏 芳草岸平如砥垂楊徑清如洗散牧處
冉冉晴霞飛綺江色比於懷抱淨都無一點閒塵滓更
小兒牛背有書聲清人耳

夏耘

詔歸田里長散誕天恩深厚尋早歲釣遊之處風烟依
舊萬物方當嘉會日一年最是清和候暢幽懷緩緩步
東皋觀耘耨 竹色淨槐陰茂荷鋪翠葵舒繡農忙際
兒子大家趨走頗有鶯聲迎杖屨渾無塵影霑襟袖望

水南雲似玉光浮籠岩岫

秋漁

七十歸來西江上堪游堪釣秋水共長天一色也堪吟
嘯穩坐木蘭漁艇子大兒能網中兒棹小兒自理會熟
香爐烹茶竈蘋花渚雪爭耀楓葉岸霞相照山無數
清比方壺負嶠放浪不知天地外蕭閒底用元真號聽
數聲長笛白鷗前江南調

冬樵

白首閒居冬風冷偏欺衰老晨光動瀾漫院落六花飛
繞坐煖茅柴煨芋栗老妻孫子圍爐好更兒曹腰斧折
枯薪歸來早 堦前璐池邊縞都總出天工巧石山峯
庭下盡成瓊島况是太平豐稔瑞教兒愛護休輕掃着
園林一鶴意蕭蕭尋瑤草

大雪志喜

玉樓春

昔甲寅十二月二十日也

天公預作豐年瑞柳絮梨花紛舞墜九重城闕晃清輝

一統山河含淑氣 郊原遍是瓊瑤地 梅蕊稍頭春早

至未論寅卯 太平年且賞嘉祥宣德歲

識云寅年及卯年方見太平年

初度夕 菩薩蠻

生朝謝客草草家筵聊向夕 綠酒黃柑慶我今年七十
三 燭花送喜繞簇連枝金粟蕊 小小孫兒也學諸兄
跪獻詩

九日謁陵 浪陶沙

庭鞠早含霜 又到重陽盈 盈白髮對清觴 回憶往時文

翰侶大半凋亡
縱佩紫萸囊怕上高岡
眼昏那見舊家鄉
但見三陵雲氣裏
愁損柔腸

東里續集卷六十二

書東里文集續編後

廬陵楊文貞公即世三十載其所著東里詩文集傳
於世久矣然纔二十八卷耳士君子恒以不得見全
集爲憾焉成化七年秋其子尚寶卿導奉使廣西爲
予言導幼侍先公凡所著作藁皆先兄收兄沒諸子
姓珍惜秘不發導亦忝侍從不能歸茲幸歸而得之
圖惟梓傳敢以累執事予敬諾焉導既還京師編錄
成卷六十有二託吏部侍郎葉公與中校正乃以寓

予且屬序一言予遍閱之躍然曰此當代文章鉅公
手筆天下之人仰慕想見者也予何敢不力然公詩
文舊刻永嘉黃文簡公江陵楊文定公序之詳矣後
生小子何敢置喙於其間嗟乎大羹元酒不資薑桂
雅有真味泰山華嶽竒峯疊擁不覺其繁玉雲行空
流麗自然初若無意而能成雨澤被萬物此公之冠
絕一世予不能不樂爲天下道也故敢僭書于後成
化九年歲次癸巳夏五月既望吳郡韓雍拜手書

乾
坤
廣
濟

東里續集卷六十二